



REPUBLIKA E KOSOVËS / REPUBLIKA KOSOVA

GJYKATA THEMELORE MITROVICË

Numri i lëndës: 2021:050243

Datë: 30.06.2021

Numri i dokumentit: 01941924

P.nr.218/2021

NË EMËR TË POPULLIT

GJYKATA THEMELORE NË MITROVICË - Departamenti i Përgjithshëm, gjyqtari Rrahman Beqiri, me procesmbajtëse Selvije Kostërci, në lëndën penale ndaj të pandehurit: Xh.P., për shkak të veprës penale: Vjedhje e shërbimeve neni 314 par.1 të Kodit nr. 06/L-074 Penal të Republikës së Kosovës (tutje: KPRK), sipas aktakuzës së Prokurorisë në Mitrovicë - Departamenti i Përgjithshëm PP.II.nr.483/2021 (2021:0017619), të datës 17.03.2021, duke vendosur sipas kërkesës për shqiptimin e urdhrit ndëshkimor, pa mbajtjen e shqyrtimit gjyqësor, me datë 30.06.2021, nxjerr këtë:

A K T G J Y K I M

PRANOHET Kërkesa e Prokurorisë Themelore në Mitrovicë – Departamenti i Përgjithshëm PP.II.nr.483/2021 (2021:0017619), e datës 17.03.2021, kjo gjykatë jep këtë:

URDHËR NDËSHKIMOR

I akuzuari:

Xh.P., nga i ati M., e ëma S., “data e lindjes”..., në komunën e Mitrovicës, ku edhe jeton, pensionist, i martuar, i gjendjes së dobët ekonomike, me nr. personal..., shqiptar, shtetas i Republikës së Kosovës.

ËSHTË FAJTOR

Sepse,

Nga data e pavërtetuar e deri më datë 22.08.2020, në shtëpinë e tij në Mitrovicë, në njehsorin elektrik nr..., me qëllim që vetit t'i sjell përfitim pasuror të kundërligjshëm, ka shfrytëzuar në mënyrë të paautorizuar energjinë elektrike, ashtu që, ka kyçur një kabllo ilegal direkt në kabllon e furnizimit para njehsorit në ballkon të katit të dytë, kablloja ka hyrë direkt në objekt duke e anashkaluar njehsorin, duke shpenzuar energji elektrike të pa regjistruar, me me çka të dëmtuarës KEDS i ka shkaktuar dëmë material.

Me këtë ka kryer veprën penale: Vjedhja e shërbimeve nga neni 314 par. 1 të KPRK-së.

Andaj, gjykata në bazë të nenit 1, 3, 4, 7, 17, 21, 38, 39, 40, 43, 69 e 314 të KPRK-së, si dhe nenit 359, 360, 361, 365, 366 e 495 të KPP-së i:

SHQIPTON

1. Dënim me gjobë në shumë prej 150€ (njëqind e pesëdhjetë euro), të cilin dënim është i obliguar që të filloj ta paguaj në afat prej 15 ditësh nga dita e plotfuqishmërisë së aktgjykimit. I njëjti, dënimin e shqiptuar mund ta paguaj me tre (3) këste të barabarta, më së largu deri me datën 5 të muajit vijues. Mundësia e pagesës me këste do të revokohet nëse personi i dënuar nuk e paguan këstin me kohë. Nëse i akuzuari nuk e paguan gjobën në afatin e caktuar, gjykata do të veprojë në bazë të nenit 43 të KPRK-së, ashtu që dënimin me gjobë do t'ia zëvendësoj me dënim me burg, ku një ditë burgim do të llogaritet me 20 (njëzet) euro gjobë, apo me pëlqimin e tij dënimi me gjobë mund t'i zëvendësohet edhe me urdhër për punë në dobi të përgjithshme.
2. I akuzuari obligohet që në emër të shpenzimeve procedurale, dhe atë në emër të paushallit gjyqësorë të paguaj shumën prej 10€, ndërsa në emër të taksës për kompensimin e viktimave të krimit shumën prej 30€, të gjitha këto në afat prej 15 ditësh nga dita e plotfuqishmërisë së këtij aktgjykimi.
3. E dëmtuara, kompania KEDS, për realizimin e kërkesës pasurore juridike udhëzohet në kontest të rregullt juridiko-civil.

A r s y e t i m

Prokuroria Themelore në Mitrovicë – Departamenti i Përgjithshëm, ka ngritur aktakuzën PP.II.nr.483/2021 (2021:0017619), të datës 17.03.2021, kundër të pandehurit: Xh.P., për shkak të veprës penale: Vjedhje e shërbimeve nga neni 314 me par. 1 të KPRK-së dhe njëherësh nga gjykata ka kërkuar dhënien e urdhrin ndëshkimor, me arsyetimin se ka prova të besueshme nga kallëzimi penal dhe provat e propozuara lidhur me arsyeshmërinë e aktakuzës së propozuar në drejtim të vërtetimit të fakteve se i pandehuri, vërtetë e ka kryer veprën penale për të cilën akuzohet.

Gjykata, me rastin e shqyrtimit paraprak të çështjes, gjeti se aktakuza dhe kërkesa janë të bazuara dhe se janë plotësuar kushtet nga neni 493 i KPP-së, që të pranohet kërkesa për dhënien e urdhrin ndëshkimor dhe në përputhje me nenin 495 të KPP-së të jepet aktgjykimi pa u mbajtur shqyrtimi gjyqësorë, si në dispozitiv të këtij aktgjykimi, pasi që në shkresat e lëndës ka prova të mjaftueshme në bazë të të cilave vërtetohet se i pandehuri e ka kryer veprën penale e cila i vihet në barrë.

Gjykata, vlerëson se në rastin konkret ekzistojnë provat të mjaftueshme të cilat e vërtetojnë fajësinë e të pandehurit se e ka kryer veprën penale për të cilën ngarkohet, sipas aktakuzës së prokurorisë dhe atë: Procesverbali me nr..., i datës 22.08.2020; Fatura e KES/CO DMIHP ..., e datës 01.09.2020; Kalkulimi i rikthimit të humbejve nr..., datë 01.06.2020; Gjashtë fotografi nga vendi i ngjarjes; Deklarata e të akzuarit dhënë në polici, datë 10.06.2020 të cilat janë prova të besueshme mbi bazën e të cilave vërtetohet se i pandehuri ka kryer veprën penale për të cilën është akuzuar.

Sipas KPRK-së, për veprën penale: Vjedhje e shërbimeve nga neni 314 par.1 të KPRK-së, është paraparë dënimi me gjobë ose me burgim deri në tre (3) vjet.

Gjykata në përputhje me nenin 69 të KPRK-së, me rastin e caktimit të lartësisë së dënimit me gjobë, vlerësojë të gjitha rrethanat në matjen e dënimit, ashtu që gjykata është e bindur se

dënimi i shqiptuar është në proporcion me peshën e veprës penale, përgjegjësinë penale dhe shkallën e rrezikshmërisë shoqërore, duke vlerësuar se me një dënim të tillë do të arrihet qëllimi i dënimit, i cili parashihet me nenin 38 të KPRK-së, pasi që njëra nga qëllimet e dënimit është të parandalojë kryerësin nga kryerja e veprave penale në të ardhmen dhe të bëjë rehabilitimin e tij, të parandalojë personat e tjerë nga kryerja e veprave penale, të shpreh gjykimin shoqëror për veprën penale, ngritjen e moralit dhe forcimin e detyrimit për respektimin e ligjit, duke vlerësuar se i pandehuri do të përmbahet nga veprime të paligjshme, do të ketë kujdes të shtuar sa i përket pasurisë e sidomos kur është fjala për pasurinë e huaj, e sidomos faktin se shërbimet duhet shfrytëzuar në mënyrën dhe formën e caktuar me rregullat në fuqi.

Vendimi për kompensimin e shpenzimeve të procedurës penale dhe të paushallit gjyqësor, u mor në bazë të nenit 450 par.2 pika 2.6 dhe 453 par.1 të KPP-së. Ndërsa taksa për kompensimin viktimave të krimit, në kuptim të nenit 39 par. 3 të Ligjit nr. 05\L-036 për Kompensimin e Viktimave të Krimit.

Në bazë të nenit 463 par. 1 dhe 2 të KPPK-së, pala e dëmtuar është udhëzuar në kontest civil për realizimin e kërkesës pasurore-juridike. Kjo nga fakti se të dhënat e mbledhura nuk kanë paraqitur bazë të sigurt për gjykimin e plotë edhe sa i përket kërkesës pasurore juridike dhe se gjykata nuk mund që ta aprovoj kërkesën pasurore juridike duke u mbështetur vetëm në pretendimin e palës së dëmtuar, pa një mendim dhe konstatim më të bazuar, andaj gjykata të dëmtuarën e ka udhëzuar që kërkesën pasurore juridike mund ta realizon në kontestin civil juridik në mbështetje të nenit 463 të KPP-së.

Nga sa u tha më lart, e në bazë të neneve 365 e 495 të KPPK, u vendos si në dispozitiv të këtij aktgjykimi.

GJYKATA THEMELORE NË MITROVICË
Departamenti i Përgjithshëm
P.nr.218/2021, datë 30.06.2021
2021:050243, 30.06.2021

Gjyqtari

Rrahman Beqiri

Këshilla Juridike: Kundër këtij aktgjykimi pala ka të drejtë kundërshtimi, në afat prej 8 (tetë) ditëve, nga dita e pranimit. Kundërshtimi i parashtrohet kësaj Gjykate.